



UNIVERSITÄTS-
BIBLIOTHEK
PADERBORN

**Henrici Canisi[i] Noviomagi, Belgæ, Jn Academia
Ingolstadiensi SS. Canonum Profess. Ordinarii & Primarii,
Opera Quæ De Ivre Canonico Reliqvit**

Canisius, Heinrich

Coloniae Agrippinae, 1662

In Tit. V. De Postvlatione Prælatorvm, &c.

[urn:nbn:de:hbz:466:1-62169](#)

IN TIT. V. DE POSTULATIONE PRÆLATORVM, &c.

SUMMARIA.

1. Postulari, eligi vel nominari in Episcopum qui qualiter dicantur.
2. Praxis Curia Rom. quo ad postulationem.
3. Forma servanda in postulatione.
4. Postulari possunt etiam alii Praelati & Clerici.

Quandoquidem parum est, jus esse, nisi sint, qui illud exequantur, l. 2, § post originem D. De orig. juris, c. Vbi periculum §. reperias De elect. in 6. ideo post jus scriptum, quo constitutiones & rescripta continentur, & jus non scriptum, id est consuetudo, subjicitur hic Tit. eum seqq. de ministeriis juris: ut sunt Praelati Ecclesiastarum, quorum primas tenet Episcopus, qui vel postulatur, vel eligitur, vel nominatur, c. 3, in fine h. t.

Postulatur is, qui eligi prohibetur, vel propter naturales, quis illegitimus est, c. Innotuit 20. inf. De elect. vel propter ætatem, ut sunt minores XXX. annis, maiores vero sedecim annis, c. unico b. t. in Extravagantib. com. Item Episcopus, qui suæ Ecclesiæ alligatus est, c. 4 & ult. Item laicus propter defectum Ordinis Ecclesiastici can. Ofiis Dist. 61. ceterique, qui vel ob aliud defectum, prohibentibus sacris Canonibus, eligi non possunt: nam his per postulationem, id est petitionem factam coram summo Pontifice consulitur, ut in Episcopum adsumi possint. Panormit. in c. vlt. num 8. in fine h. t. Quare postulatio innititur gratiæ superioris, haberque effectum dispensationis, c. 3. circa fin. eod. Eligitur in Episcopum, cui nullum impedimentum obstar, quin possit eligi, ut infra tit. seq. videbimus. Nominatur vero, cum duo vel plures digniores à collegio nominantur, & §. Pontifici proponuntur, ut unum ex eis preficiat Ecclesiæ, recte in c. Quod sicut 28, in pr. inf. De elect.

Sed querer quis, cur hic Tit. præcedat Titulum de electione, cum is dignior sit? Resp Decius hic num. 2. quod postulatio sit præparatoria ad electionem. Verum huic rei non immoror, propter ea, quæ de continuatione Titulorum diximus supra ad Tit. Derecriptus.

2. Ubi tamen negligenda non est praxis Romanæ Curiae, quam tradit Panorm. in c. 1. num 34. h. t. quod licet admissione postulationis nihil aliud operetur, quam ut is, qui postulatus est, in Episcopum eligi possit. Curiam tamen Romanam, ut cir-

citus evitetur, & citius consulatur Ecclesiæ vacanti, aliud observare, nempe ut admissa postulatione statim postulatus adsequatur idem jus, quod electus & confirmatus Episcopus; unde ad aliam electionem & confirmationem non recurratur, ut & probat text. in c. 2. h. t. quo loco, postulatione factâ & admissâ, ad electionem non reditur, sed plenum jus postulatus consequitur.

In postulatione facienda nulla certa forma à jure præscripta est, ut in electione, iuxta c. Quapropter 42. inf. De elect. sed sufficie eos, qui alias jus eligendi habent, vel omnes, vel certè pro maiori parte conveire in unam eamdemque personam, c. 3. & ibi Panorm. num. 12. h. t. c. Cupientes 16. §. fin. De elect. in 5. junctal Quod major 19. D. Ad municip. Niū concurrat postulatio cum electione, ut quia alii postulant, alii eligunt, hoc casu est necesse numerus postulantium duplo major sit, quam intelligentum; alias electio præfertur, c. Scriptum 40. & ibi latius DD. inf. De elect. Ratio est, quia postulatio nascitur gratiæ, electio jure, hoc est à mera voluntate superioris pendet, ac nullum jus admissâ postulatione acquiritur postulato. Electio vero statim acquiritur jus, electione factâ, ita ut electus sine causa à Superiori destitui non possit, ut inf. sit. seq. dicam. Quare electio, cum ipso jure nascatur, expugnari difficulter est. Hoc tamen vendum est in postulatione, ne is, qui postulandus est, eligatur, sed postuletur, verbi Postulo mentione factâ, c. vn. eod. tit. in 6. Nam tametsi jure antiquo indistinctus esset usus verborum postulationis & electionis, can His omnibus Dist. 61, & can. Literas Dist 63, hodie tamen ex Bonifaciana constitutione separata sunt, ita ut ne quidem hæ formulæ permittantur, Eligio postulando, vel Postulo eligendo, aut Eligio postulandum, sive Postulo eligendum, sicut videre est latius in d. c. unico, quo & aliter sicut eo ipso irritum decernitur.

Porrò nec hoc quoque prætereundum est, quod est si Tit. loquatur de postulatione Episcopi, idem tamen trahi possit ad alios Praelatos sive Clericos, qui ad beneficium Ecclesiasticum, ad quod adsumuntur, idonei non sunt, propter ætatem aut aliud defectum, idque propter summam potestatem & auctoritatem S. Pontificis in res & personas ecclesiasticas, c. 2. De præbend. lib. 6, & quia ipse non est subjectus sacris Canonibus, quia

D

ex

ex causa possit facile alieni gratiam facere contra sacros Canones, c. *Innotuit 20. inf. De elect.*

Vide, si placet, hic Hostiensem in *Summa num. 2.*

IN TIT. VI. DE ELECTIONE ET ELECTI POTESTATE.

S U M M A R I A.

1. *Forma eligendi Episcopi, & qui interessū electioni debant.*
2. *Forma eligendi per compromissum.*
3. *De electione S. Pontificis.*
4. *De electione Imperatoris.*
5. *De electione Abbatum.*
6. *Decretum Conc. Trid. de electionibus faciendis.*
7. *Electi potestas.*

IAM de electione Episcopi videamus, cuius tractatio simul etiam complectitur electionem S. Pontificis, Imperatoris, Abbatum, Abbatissarum, aliorumque inferiorum Clericorum.

1. Igitur quoad electionem Episcopi (quā sola ferē utitur hoc tempore nostra Germania, in reliquis verò Provinciis, quantum intelligo, vel ad summum Pont. vel ad Reges locorum, constitutio Episcoporum sive portius præsentatio spectat) ejus eligendi forma præscribitur in c. *Quia propter 42. hoc sit.* quod desumptum est ex Concilio Lateranensi celebrato sub Innocentio III. cuius hæc summa est: quod ad electionem Episcopi procedi debeat vel per scrutinium, vel per compromissum, vel quamdam inspirationem, cum scilicet omnes uno quasi spirito ducti concurrunt simul in eamdem personam. Intellige per omnes, qui sunt ejusdem collegii sive Capituli, & qui ex conventione vel præscriptione jus eligendi sibi acquisivere, vel saltem in ejus possessione sunt; nam hos omnes interesse oportet electioni Episcopi, d.c. *Quia propter & d.c. Scriptum 40. hoc sit c. 3. & c. 8. inf. De causa possess & propriæ.* Adeò ut si quis ex illis præteritus fuerit, propter contemptum sui agere & infirmare possit electionem factam; nisi malitie electioni accedere, & suo consensu comprobare, c. *Quod scit 28. in fine pr. h.t.*

2. Per compromissum, cum aliquibus, vel etiam uni, ab omnibus committitur electio, ut is Episcopum omnium vice nominet, & constituant, d.c. *Quia propter. c. Si cui 23. & c. Si compromissarius 37. eod in 6. Gl & Imola ad d.c. Quia propter.* Et hac formā non servarā ipso jure nulla est electio, d.c. *Quia propter & ibi Panorm. num. 5.*

3. In summi Pont. electione, quæ sit à collegio Cardinalium præsentium, (nam absentes non vo-

cantur, sed tantum expectantur ad viginti dies) sufficit doarum partium concensus Cardinalium eligentium, aliaque singularia huic insunt electioni, quæ latius vide in c. *Licet 6. b. t. in c. Vbi periculum eod. in 6. can. 1. Dist. 23. & can. 1. cum seq. Dist. 79.*

De electione Imperatoris exstat text. in c. *Venerabilem 34. h. t. quo agnoscit S. Pout. electionem Imp. pertinere ad Principes Germaniæ, ita quod jus & auctoritas examinandi personam electam, item consecrandi & coronandi ad se pertineat; ut & destituendi sive Imperio privandi, si merita eius hoc postulent c. 2. De re iud. in 6.*

De Abbatum electione agitur quidem h. t. d.c. *34. c. Confiniis 47. & c. Cum magistrum 49.* Sed in eadem forma electionis d.c. *Quia propter,* quam in Episcopo eligendo antè retulimus, requiratur etiam in Abbatis electione, dubitatum fuit. Verum magis obtinuit, etiam ad Abbatis electionem pertinere; imò & ad ceteros Prælatos, qui in Ecclesiis Collegiatis generalem jurisdictionem exercent, siquidem & per eorum mortem Ecclesia quadammodo viduata dicitur, *Gl & Panormit.* in d.c. *Quia propter num. 7. circ. med. & Imola num. 3* ubi & testatur hanc esse communem DD. sententiam; quam tamen non video aperto jure probari. Unde subsisto, magis putans hac in respectum esse morem coactum, quo hactenus Capitulares usi sunt in eligendo Abbatem vel alium Superiore, quam est Episcopus, quia consuetudo est optima juris interpres, c. *Cum dilectus 8. circa med. sup. De consuet. t Nisi quod hodie exstet 6 decretum Conc. Trid. Sess. 5. c. 6. De Regularib.* sub his verbis: *In electione Superiorum quorūcumque, Abbatum temporalium, & aliorum Officialium ac Generalium, & Abbatissarum atque aliarum Prepositarum, quō omnia rectè & sine ulla fraude fiant. in primis sancta Synodus districte præcipit, omnes supradictos eligi debere per vota secreta, ita ut singulorum eligentium nomina numquam publicentur. Ubi nota de Abbatibus temporalibus, hoc est qui ad certum tempus eligitur; nam ad perpetuos Abbates hoc decretum non refertur.*

Quod ad alteram partem Tit. nostri attinet de electi potestate, electus nisi à Superiore confirmatus